

461-05/2012

GJYKATA THEMELORE NË PRIZREN, DIVIZIONI I KUNDËRVAJTJES, me gjyqtarin *Nazim Vllaçon* e me procesmbajtësen *Shqipe Simitçiun*, në procedurën kundërvajtëse kundër të pandehurës Sylbije Osmani, nga fshati Sërbicë e Poshtme KK Prizren, për shkak të kundërvajtjes nga neni 5, 6 paragrafi 1.3 dhe neni 9 të Ligjit për Deklarimin, Prejardhjen dhe Kontrollin e Pasurisë dhe të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të gjithë Personat Zyrtarë nr. 04/L-050, e në bazë të nenit 195 të Ligjit mbi Kundërvajtjet, me datën 17.10.2013

AKTVENDIM

E pandehura Sylbije Osmani nga i ati Remzi, e lindur më 1981 në Prizren tani jeton në fshatin Sërbicë e Poshtme KK Prizren, me kombësi shqiptare, me përgatitje superiore, arsimtare, e martuar, nënë e dy fëmijëve e gjendjes së mesme ekonomike, e padënuar për kundërvajtje.

ËSHTË PËRGJEGJËS


Sepse si Zyrtare e Lartë Publikë –Këshilltare e Kuvendit Komunal në Prizren, nuk e ka bërë deklarin e rregullt vjetor të pasurisë për vitin 2012 deri më datën 31.03.2012 sipas kërkesës së Agjencisë kundër Korrupsionit.

-me të cilën veprim ka kryer kundërvajtjen nga neni 5, 6 paragrafi 1.3 dhe neni 9 të Ligjit për Deklarimin, Prejardhjen, dhe Kontrollin e Pasurisë dhe të Zyrtarëve të Lartë Publik, dhe Deklarimin Prejardhjen dhe Kontrollin e Dhuratave për të gjithë Personat Zyrtarë nr. 04/L-050 të ndëshkuar sipas nenit 17 paragrafi 3 të këtij Ligji prandaj edhe

DËNOHET

Me gjobë në lartësi prej 300.00 EURO (treqind) euro.

E pandehura është e obliguar që gjobën e shqiptuar të paguajë në afat prej 15 ditësh, nga dita e plotëfuqishmërisë së aktvendimit, e në të kundërtën gjoba do të zëvendësohet me denim burgimi në atë mënyrë që për çdo 20 Euro të gjobës do të caktohet një ditë burg. Obligohet se në afatin e njëjtë të paguaj shpenzimet e procedurës në shumë paushale prej 5 EURO me kërcënim të përmbarimit me detyrim. Obligohet e pandehura që pas kryerjes së gjobës dhe të shpenzimeve të lajmërojë Gjykatën Themelore për Kundërvajtje në Prizren.



Ar sy e t i m

Me kërkesën e Agjencisë kundër Korrupsionit të Republikës së Kosovës me nr.01-1876/12 të datës 24.05.2012 u zhvillua procedura kundërvajtëse kundër të pandehures Sylbije Osmani Smajlaj nga fshati Sëbicë e Poshtme KK Prizren, për shkak të kundërvajtjes nga neni 5,6 paragrafi 1.3 dhe neni 9 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të gjithë Personat Zyrtarë.

Gjendja faktike e përshkruar më përseafërmi si në dispozitiv të këtij aktvendimi është vërtetuar në bazë të deklaratës së të pandehures, deklaratës së zyrtarit kontaktues me Agjencionin kundër Korrupsionit Samir Hoxha, përfaqësuesit të Agjencionit kundër Korrupsion Enis Sadiku si dhe me administrimin e provave tjera në shkresat e lëndës.

E pandehura në deklaratën e saj ka mohuar kundërvajtjen që i vihet në barrë duke theksuar se ka qenë në pushim të lehonisë dhe se nuk ka mundur ta merr pjesë në mbledhjet e Asamblesë komunale dhe se nga asnjë zyrtar i lartë i kuvendit komunal lidhur me obligimin e deklarimit të pasurisë nuk ka pranuar ndonjë formular dhe se për këtë ishte informuar nga asambleistët tjerë.

Zyrtari kontaktues me Agjencionin kundër Korrupsionit Samir Hoxha se deklaruar se me afat kohore kishte njoftuar Zyren Ligjore të KK Prizren lidhur me njoftimin e këshilltarëve për deklarimin e pasurisë dhe ate më datën 15.02.2012 dhe më datën 02.03.2012 në mënyrë elektronike të cilat prova i njëjti ka prezentuar gjykatës si dëshmi, ndërkaq në mbledhjen e Komitetit për Politikë dhe Financa të gjithë Këshilltarëve ua kishte shpërndarë kopjet e formularëve për deklarim të pasurisë. nuk ka pranuar asnjë lloj të formularit për deklarimin vjetor të pasurisë.

Përfaqësuesi i Agjencionit kundër Korrupsion Enis Sadiku në deklaratën e vet ka theksuar se zyrtari kontaktues me Agjencionin kundër Korrupsion në Prizren Samir Hoxha me kohë dhe ate më datën 01.03.2012 e ka pranuar në mënyrë elektronike nga zyrtarja e Agjencionit Valbona Zeqiri të cilin fakt e ka prezentuar gjykatës si dëshmi.

Gjyqtari ka bërë shiqimin në Vendimin e Pushimit të Lehonisë nr. 546/12 të dates 27.06.2012 ku vërethet se e pandehura ka filluar ta shfrytëzojë pushimin e lindjes që nga data 31.05.2012 ndërkaq afati i fundit për deklarim të pasurisë ishte data 31.03.2012

Në procedurë të provave poashtu është shiqimi edhe në listën e mbledhjes XXII TË Kuvendit Komunal ku ka munguar e pandehura por kjo mbledhje ishte mbajtur më datën 14.06.2012 pas afatit për deklarim të pasurisë.

Gjyqtari ka vlerësuar mbrojtjen e të pandehures por të njëjtën e ka vlerësuar si shmangie nga përgjegjësia kundërvajtëse ngase me provat tjera të cilat gjinden në shkresat e lëndës pamëdyshje është konstatuar se i njëjti e ka kryer kundërvajtjen e cila i vihet në barrë andaj është shpallur përgjegjëse dhe dënuar sipas ligjit.

Gjatë caktimit të dënimit janë vlerësuar rrethanat nga neni 7 të Ligjit mbi Kundërvajtjet, pesha e kundërvajtjes së kryer dhe pasojat e saja, shkalla e përgjegjësisë si dhe rrethanat materiale të pandehurës.

Gjyqtari aplikoi nenin 9 të Ligjit mbi Kundërvajtjet duke ia shqiptuar dënimin nën masën minimale të dënimit për këtë kundërvajtje pasi që e pandehura më parë nuk ka qenë e dënuar për kundërvajtje, e posaqërisht fakti se e njëja para marrjes së aktvendimit e ka deklaruar pasurinë dhe ate më datën 19.12.1012, qëndrimi i saj korrekt para gjykatës fakte këto të cilat nuk e përjashtojnë nga përgjegësia kundërvajtëse por që në masë të konsiderueshme e zvogëlojnë përgjegjësinë kundërvajtëse.

Shpenzimet e procedurës janë të caktuar në bazë të nenit 109 al.2 të Ligjit mbi Kundërvajtjet.

Me sa u cek më lartë, u vendos si në dispozitiv të aktvendimit.

GJYKATA THEMELORE NË PRIZREN DIVIZIONI PËR KUNDËRVAJTJE
Dt.17.10.2013

Procesmbajtësja
Shqipe Simitçiu

Nr.461/05-2012

Gjyqtari

Nazim Vllaço

UDHËZIMI JURIDIK: Kundër këtij aktvendimi e në afat prej 8 ditësh nga dorëzimi mund të ushtrohet ankesë Gjykatës së Apelit në Prishtinë, nëpërmjet të kësaj gjykate pa taksa.